

TRACTATVLVS

*Fixio spiri-
tus.*

subtile cum spisso, & putrefacere, terere & as-
sare, rigare quousque commisceatur in simul, vt
fiat vnum, & non sit diuersitas sicut aqua mixta a-
quæ. Tunc conabitur spissum subtile retinere, &
conabitur anima pugnare cum igne et pati ipsum,
& conabitur spiritus submergi, & cum corpori-
bus fundi.

*Fusio spiri-
tus & sub-
mersio.*

Scias autem cum corpus miscueris cum humi-
ditate, & ipsi aduenerit ignis caliditas, vertit humi-
ditas super corpus, & soluit ipsum, & tunc non po-
test spiritus ab eo exire, quia imbibit se in igne, &
spiritus alias sunt fugabiles, quousque commiscean-
tur cum corpore, tunc conatur pugnare cum igne
& eius flamma, attamen non conueniunt istæ par-
tes nisi cum bona temperatione, continuatione &
longo labore. Antiqui vero philosophi lapidi no-
stro imposuerunt multa nomina, vt amalgama, vi-
triolum, sanguinè propter colorem rubeum, alijs
que nominibus infinitis, vocauerunt ipsum fer-
rum, propter impossibilem fusionem. Nam istud
corpus cum priuatur humiditate, necesse est cor-
pus siccum non fluere, quod prius per humidita-
tem fluebat, & erat volatile. Nam necessario cor-
pora figuntur per priuationem humiditatis, quæ
a philosophis dicitur calcinatio, & rei putrefactio
seu puluerisatio ab humiditate partes consolida-
tas, & per calcinationem spiritus iam figuntur, &
fit

fit